

NATIONAAL ARCHIEF 'S-GRAVENHAGE

LANDSADVOCAAT VAN OLDENBARNEVELT

TOEGANGSNUMMER 3.01.14

INVENTARISNUMMER 1024

GECONFISKEERDE GEESTELIJKE GOEDEREN

BETREFFENDE DE ABDIJ VAN RIJNSBURG,
LEEUWENHORST, KONINGSVELD EN LOOSDUINEN

BEGIN 16^E EEUW

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen (anthonius@alice.nl).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Wilhelm bijder gratien gods prince van Orangen etc. allen den ghenen dien dese tegenwordigen ghehoent sullen woorden saluijt. Alsoe die ridderschappe ende edelen van Hollant ons tot meermael gheremonstreert ende verhoent hebben ghehadt dat naedemael de beroeringhe vande adeldom voirmaemelick altijs gheweest is om den here vande landen raet ende daet tassisteeren ende daer toe ten dienste vanden selven here ende tot bescherminghe der landen den waepenen te draeghen huere remonstranten voir ouders ende voirsaten, verscheijden guede diensten daer inne eertijts ghedaen hebben ghehadt sonder lijff ofte guet te sparen ende oeck met verlies van dien. Twelck anmerckende hoeger memoerien, graeven ende graevinnen van Hollant ende om den selven edelluijden toten voorsz. dienste te meer te veroorsaxten ende te verwrecken hadden in faveur van henluijden gemaect ende ghesticht binnen Hollants verscheijden stiften ende fondatien ter eere gods ende onderhout der edelluijden kinderen ende dochteren, als naemetlijck de coelegien ende abdijen van Rijnsburch, Lewenhorst, Conincxfelt, Loesduijnen ende meer anderen oeck voor mansperzoenen. Ende dselve ghestiften begavende met veel schoenne partien van guederen dwelcke oeck bij eenighen van heure remonstranten voerouderen ende voorsaeten vuijt heur selfs eijghen goederen, soe dan vermeerdert waren gheweest. Ende hoe wel doer eeninghe abusen inden voorsz. fondatien ende indt ghebruijck der voorsz. goederen ghevallen nochte inde reformatie van dijen ende vande remonstranten niet een behoeren ghefrustreert ofte versteecken te blijven van tvoerdeel ende gherechticheijt der voorsz. fondatien ende stiften ten behoeve van hemluijden kinderen ende dochteren ghemaect in een formite van onse meeninghe eertijts deur onsen lieven broeder grave Johan van Nassau den Staten van Hollant diesaengaende ghedaen verwittighen ende verstaen. Soe was nochtans onlancx bij ofte van weeghen dvoorn. Staten een groet deel der guederen ende landen vande voorsz. abdijen vercoft als wel daeghelijcx oock ghevoordert werde tot voorder vercoepinghe van dien te procedeeren ende de selve goederen ende landen vanden voorsz. abdijen oeck met verscheijden assignaecien te besuaeren tot huerluijder remonstranten groten naerdeel ende intrest. Versoekende midtsdien bij ons daer teghens behoerlick voorsien te worden tot conservaetie vande voorsz. guederen ende haer remonstranten ende gherechticheijt boeven vermeldt. Soo ist dat wij aenghemerckt tghundt voorsz. is gheordoneert hebben ende ordoneeren bij desen dat met alle voordel distratie vercoepinghe aelienatie ende beswaernisse der voorsz. abdijen onroerende goederen hoedaenich die zijn bij provisie gheschorst ende opgehouden sal worden tot dat opt ghepretendeerde vanden remonstranten ende onderhout der ghene die ghenere die vuijten selven ghuederen behoren onderhouden te werden, ghedisponeert ende op alles een ghueder ordere ghestelt sal sijn. Des toeconden hebben wij diessen met onsen name gheteijkent ende onssen zeghel daer onder doen opdrukken. Ghedaen inder stede van Ghent opten 26^e dach augustij anno 1500 twee ende tachtich.